

四庫全書

史部

欽定四庫全書

欽定南巡盛典卷四十八目錄

河防

十四

欽定四庫全書

四

卷四十八目錄

欽定四庫全書

欽定南巡盛典卷四十八

河防

乾隆四十六年三月二十六日太學士公阿桂兩
江總督薩載河道總督李奉翰奏言竊照桃源廳
屬臨河集之九里崗一帶河勢向走北岸舊有埽
工嗣因河向南趨工即淤閉河勢由南岸之臨河
集下注該處素稱崗淺乾隆四十三年臣薩載於

總河任內曾經

奏明調撥河兵堡夫挑浚一次緣此段崗土砂礮性俱堅實不能冀其冲刷通深而中間橫亘崗砂千餘丈內測量水深僅止二三尺不等較之迤上水深六七尺迤下水深九尺一丈者其為高仰已屬顯然全河至此未免為之梗阻但黃河溜勢雖趨向靡常而水性就下則係必然之理若能挑挖深通使之流行暢達則下游盛漲即可望其隨長隨

消不致壅遏為患但水底不能施工撈浚終屬無

濟

臣

等上下履勘再四籌酌惟於北岸坐灣處自

李家莊起至臨河集北首止取直開挑引河一道

計長一千一百四十丈口寬四十丈底寬二十八

丈通身挑深二丈約估需銀十一萬二千餘兩

臣

薩載

臣

李奉翰一面調撥工員預集人夫俟奉到

諭旨允准辦理即分段上緊僱挑務於五月內完工屆
期開放因勢利導自可冲刷寬深伏秋大汛流行

直注較常年自當更為通暢則上游消落亦必迅速於全河形勢大有裨益奏入

上諭曰宜速為之但不可因欲速而工不實

乾隆四十六年五月初十日兩江總督薩載河道總督李奉翰奏言竊照外河廳屬黃河北岸王營減水石滾壩創自康熙四十五年係減洩清黃異漲之水由鹽河至北潮河歸海以保護外河山安海防等廳兩岸工程乾隆三十三年黃強清弱清

口及楊家莊口門停淤阻礙漕船難行相機啓壩
黃水減消兩處運口立見通順乾隆三十六三十
八四十四等年黃水清水盛漲下游埽壩在在喫
緊放壩分洩各工亦即化險為平屢著成效惟查
該壩經歷多年屢修屢塌乾隆四十四年啓放之
後壩頂沖損樁石俱壞壩下跌成深塘堵閉時甚
費周章設遇盛漲之年必須啓放水勢恐有吸溜
之虞督臣薩載在淮時面加商酌急應另行拆修

以備開放茲

臣

率同淮揚道王問羹副將李永吉

及廳營等細加履勘該壩從前修造時金門原寬

三十丈由身直長六丈一尺二寸壩面既窄壩底

又高並離黃河僅二十餘丈啓放之際溜勢直下

湍激汹涌是以壩內易於衝損內塘每致跌深

臣

相度形勢與道將講求即就該處移下八十五丈

距黃河縷堤二百丈下至鹽河一百六十餘丈另

建石滾壩一座金門仍寬三十丈由身改長二十

丈較舊壩落底四尺使壩面坦坡下注溜勢伸長
不致過激上下兩肩俱用碎石填築加釘關口木
椿以資攔禦如此核實修做庶將來啓時可免衝
跌得垂永久所需工料共估銀五萬四千餘兩目
下將屆大汛難以趕辦謹先繪圖貼說恭摺

奏請如蒙

俞允容 臣遴委幹員給發銀兩先行採辦灰石樁木等
項料物全數購運貯工俟秋後築做壩基興工價

辦並照例造冊具題送部查核奏入報

聞

乾隆四十六年六月二十七日兩江總督薩載河道總督李奉翰奏言竊照桃源廳屬臨河集地方舊有崗淺黃水至此未免梗阻前經大學士公阿桂會同臣等前往勘明在于北岸灘上

奏請開挑引河一道長一千一百四十丈口寬四十八丈底寬二十八丈通身挑深二丈以暢溜勢緣由

奉

硃批宜速為之但不可因欲速而工不實欽此臣等當
即遴委幹員集夫僱辦于閏五月初六日一律挑
挖完竣因坡底埂界尚應銷除曾經

奏明俟黃水再長相機啓放茲查該處引河自挑完
之後各工員加意收拾口底高寬丈尺較原佔有
增無減河中埂界挑除淨盡試新挑河底凡土
性堅凝之處又令翻犁虛鬆俾易冲刷日來黃水

接續加長

臣

李奉翰馳赴該處上下查探壩外黃

水高于壩內河底一丈七尺全河大溜直趨河頭
亟應乘時開放因勢利導期收實效隨率同道將
等督飭工員將工頭工尾土壩及臨水防風上緊
挑挖起除于閏五月二十七日開放黃水建瓴直
注奔騰湍激形勢甚屬暢順測量新河內已水深
一丈六尺大溜由西南直注東北現在兩岸堤坡
漸次刷塌並查新河未放以前上游樁誌存水一

丈二尺三寸下游樁誌存水一丈一尺四寸新河
放後上游誌樁消水一尺五寸下游誌樁長水一
尺一寸此即河身通暢銷除梗阻之明驗也從此
長河水勢得以隨長隨消不致壅遏為患寔與河
工大有裨益現派專員往宿河干查明往後刷塌
寬深情形隨時具報奏入報

聞

乾隆四十六年十二月初四日兩江總督兼署河

道總督薩載奏言竊照本年回空漕船南下稍遲
疊奉

聖諭飭令小心催儐及早抵次節經臣將派員迎催并
渡黃船數繕摺奏蒙

聖鑒查漕船已入江南境者邳宿一帶運河兩岸緯道
無碍通行無阻惟洪澤湖存水較小前經臣督令
淮揚道王問羹將清口口門早為收窄而黃河現
無來源湖水東注未免日有所耗遇東南風則湖

水入運較少查今歲回空糧艘因東省運河難行
南下既較往歲稍遲渡黃後不便又因水小濡滯
臣帶同道將在於清口上下勘籌緣清口東西壩

源遠流長湖水過運口後則直向東流不能攔回
入運臣隨督令道廳復於舊東西壩迤上兩岸築
以堦水壩使湖水多入運口并將惠濟等閘扣板
蓄水次第倒塘浮送現在運口以內水深已有三
尺餘寸糧船隨到隨行截至二十一日已渡黃漕

船二千一百隻計四十餘幫內上下江廣船均已
全數渡竣可期依限抵次浙江幫船現亦銜尾南
下經過鎮江徒陽運河遇潮水小時間有淺滯之
處臣現飭逐段挑撈以冀處處深通俾漕船渡江
後亦得遄行不使稍有阻滯所有回空漕船渡黃
數目理合恭摺附驛

奏報再近日微山湖水已消尺許下游邳宿運河及
駱馬湖六塘河各處俱已消水三四尺不等濱臨

湖河前次水漫淹浸之地已陸續消落高阜之處
涸出地畝甚多農民現在翻犁種麥淮徐各災屬
正值初賑藩司劉墀現在親往查察臣亦就近督
辦民情甚為寧貼莫不含哺鼓腹感頌

皇仁奏入報

聞

乾隆四十六年十二月初八日兩江總督兼署河
道總督薩載奏言竊臣前將自宿遷至清口查勘

東西壩并高埧山盱一帶工程緣由繕摺奏蒙

聖鑒查宿遷之皂河夏家馬路放淤坑塘上年恭逢

聖駕臨幸指示一律填平嗣因大汛水長盈堤拍岸無

處取土尚未辦理今歲伏秋水落灘現

臣與河臣

李奉翰勘估酌定派委該廳僉辦茲

臣

順道親勘

業已辦有四五分工程歲內即可一律填平永資

鞏固又本年六月內經大學士公阿桂覆奏河工

圖內仰蒙

皇上于順黃壩南岸一帶

硃筆尖記飭令添築新堤一道則沿河即多一層保障

且河流更直於新河形勢更為有益

命臣會同河

臣

妥商辦理當經

臣

與河

臣

李奉翰勘籌

實屬一勞永逸之舉遵即確估并將

御極亭之西

硃筆點記處所詳加籌畫應于該處用柴土築做磨盤
大壩不使河勢卧進有碍木龍既可保護南岸灘

崖又可挑溜斜注東北順黃壩對岸灘嘴更資汕
刷自更得力繕摺繪圖覆

奏奉到

硃批此非目前急務矣俟新工合龍後妥為可耳欽此
茲查得南河魏家莊漫工早已堵閉堅實豫省漫工
亦已將次合龍黃水指日歸復故道前奉

聖諭指示順黃壩南岸添築新堤一道應行辦理以為
重門保障臣昨自宿遷至清口又經順道該處閱

看督飭道廳即行照估興築其應做磨盤埽壩現
令備集料物俟黃水下注察看溜勢趨向情形再
為接做奏入報

聞

乾隆四十七年三月二十四日河東河道總督韓
鑠奏言竊照東省開河全仗汶泗來源南北分流
濟運泗水收蓄于馬場湖而以金口壩為洩水南
行之路汶水全出於分水口而以何家壩為分流

北注之區本年湖河漲水未消汛期已屆汶泗二河陸續增長江境下游既廣籌分洩東省上游亦須節減其來源查泗河之金口壩內於冬間堵築俾泗水全由黑風口入馬場河遇泗水長發則開金口壩出魯橋入運今馬場湖水現深五尺運河南行無庸接濟湖水不必再收泗河上源又別無歸宿之處應將金口壩及早起除使泗水漸次減洩以防蓄極積滿騰湧驟漲其汶水之出分水口

南北分流北七南三本有節制今南行之水勢無
可加若猶照常聽其南北分注恐漫衍更甚雖將
柳林寺前二閘已嚴閉全板逼水北注但漕運銅
鉛等船經臨隨時啓放汶水仍未減其南趨茲查
分水口以上汶河西岸何家滾水壩原洩汶水異
漲由分水口以北劉老口石頭口兩支河入運舊
壩長二十丈高五尺二寸乾隆二十二年因洩水
不暢將該壩中間十丈落低二尺現在壩脊高水

面三尺五寸壩前水深二尺五寸濟寧以南湖河之水現比二十二年較大三尺餘寸計汶水再長四尺而該壩僅能過水數寸分洩不暢勢必多注分水口仍不免於南趨今擬將何家壩中間十丈再行落低一尺庶可由分水口上游即旁分北注如遇汛漲猶恐該壩分洩不急則仍將迤上之戴村壩民捻酌挖水口入大清河歸海庶汶泗雨水南北分流不致合而滋患其於濟寧以南運道似

有裨益至捕河屬之戴廟五空橋滾水壩去秋黃水串入之各支河及上河屬之徒駭馬頰等河凡有淤淺之處已委員查辦酌量疏挑以備宣洩

臣

俟緯道各工妥竣後首幫糧船抵濟仍馳赴捕上二廳親行勘驗再查自濟寧至韓莊一帶趕修修緯道將次完竣水站各船亦已到濟八閘各水口橋

梁草壩已報完工統俟通身完竣

臣當會同撫

臣國

泰巡漕

臣

毓奇驗收另為具

奏

臣

查催緯道行至臺莊探知南糧首帮已抵江南

邳州境

臣

現遵

旨前赴徐州會同督

臣

薩載勛籌宣洩奏入

上諭因時制宜之為知道了

乾隆四十七年十月初十日兩江總督薩載江蘇

巡撫閔鶚元兩淮鹽政伊齡阿奏言竊照前任江

蘇撫

臣

吳壇查辦金壇于時和侵佔已故大學士

于敏中資產五萬七千餘兩一案欽奉

諭旨詳查金壇有無應辦水利堤工等項公務即將此

項撥辦等因欽此

臣

吳壇議請開挑金壇縣漕

河由小河歷三里橋向西至句容縣分水脊中隔

陸路一段盤壩行走由上元縣之三岔河加以疏

浚西通秦淮河直達江寧省城以期金壇漕運通

利商民稱便約計需費不過十數萬兩除動撥前

項外餘再籌撥閒款奏用俟親勘明確即會同

臣

薩載核實辦理另行奏

聞奉

硃批知道了欽此未及會勘移交臣等隨經檄飭江

寧布政使劉墀蘇州市政使瑞齡江寧鹽巡道伍

拉納常鎮通道孫枯率同江寧鎮江二府並熟諳

河工員弁逐一詳細察勘去後嗣據該司道等查

勘詳覆臣薩載於往來鎮江金壇之便復率同司

道等親詣各處詳加確勘查金壇地居腹內相距

運河僅止百里南通奔牛北通丹陽奔牛一路係

屬繞道計程紆遠丹陽一路較為近便該縣漕糧
向用小船裝載由丹陽七里橋出口至運河上漕
船交兌相沿已久今若將此河挑至金壇縣城使
漕船直抵城下受兌固為直捷但測量地勢內外
河身高下懸殊非開挑寬深與運河底相平漕船
不能直抵城下特是內河水無來源即使挑深亦
無長流不竭之水可資浮送且河深則岸土高聳
亦難免於坍卸必致旋挑旋淤徒費無益惟七里橋至

港口橋一段計長四千五百丈較之縣城一帶河道更覺淺窄每於冬令必須築壩戽水方資剝運漕糧未免倍費民力應就現在河身挑浚與上下河道一律相平則剝運漕糧既可免築壩戽水之繁費而民船往來亦俱稱便約估需銀四千八百四十二兩零所費無多應行辦理其自金壇三里橋向西經丹徒句容上元各境至江寧省城一帶中隔句容之分水脊即茅山脚山岡高阜較之

兩頭地勢遞高至十二丈有奇兩頭雖有河形係山水分流之路非通行舟楫之河山脚之下悉屬砂礪即多費錢糧亦斷不能將河身挑至十數丈深與兩頭河底相平即就地勢高低間段挑通水無來源亦不能常流存注資送行舟中間高阜之區仍須盤壩該處並無大村鎮市可設埠行招集脚夫以為水陸馬頭而行旅往來以一百餘里之程竟至一番登陸兩次乘舟轉多勞費參之輿論

咸稱不便案查從前歷任督臣亦曾議及於此一路欲開河道以通舟楫皆因中隔茅山高岡難以挑通多費無益遂爾中止前撫臣吳壇擬請開挑句容分水脊一帶河道勢有難行自可毋庸置議惟是江寧為首會之地士商輻輳從蘇杭一帶來者水路必經長江中有黃天蕩之險陸路則從鎮江起旱由龍潭至省計程一百六十餘里脚力匪易江寧商旅赴蘇杭者亦然是以久有開河之論

限於地勢迄無成議臣等往來鎮屬留心體察勘

得金山對岸之錢家港內由師古灘至龍潭棲霞

沿江一帶本有閒段河形其無河形處不過二十

餘里亦係洲灘地勢平行應將此一路就舊有河

形挑成河道即以挑河之土填築緯路則蘇杭赴

寧船集即有錢家港師古灘入新挑河可以直達

龍潭并可由龍潭直到棲霞之四板橋從此登陸

至省不過三十餘里旱路比之鎮江起旱至省所

省實多又可繞過長江以避黃天蕩一帶并棲霞
最高峯等山偃風之險而舟行所歷之境俱有村
鎮營汛可以停泊與山原曠僻高阜開河情形難
易迴殊河成之後兩頭通江中間又有通江汊港
潮汐往來可期不竭兩傍地畝益資灌溉舟楫既
通附近居民更可沿河貿易其中挖廢地畝無多
拆除零星民房合計不過數十間照例給價豁除
糧賦詢之士民咸各樂從遷移

臣等隨飭司道等

帶同熟諳人員詳細確估約計需用土方銀八萬
七千餘兩加以金壇挑河銀四千八百餘兩并酌
給挖廢地畝遷讓民房價值通共需銀亦只十萬
餘兩與原奏銀數相等又自鎮江至金山進瓜洲
口入運河江面計有十餘里往來船隻對渡若遇
風信不免稍有稽阻臣伊齡阿商之臣薩載以瓜
洲跨城有河一道上通運河由閘下達大江若由
金山對渡入瓜洲城河計程只有二三里江面甚

近瞬息即可過渡臣等查該河從前本屬寬深沙
飛船隻俱可行走祇以年久未浚潮沙往來未免
淤墊夏秋潮大舟楫尚通冬春水落則甚淺滯所
以渡江船隻於春時自南來者須從金山繞迴瀾
壩一帶進瓜洲口入運自北對渡者亦須出瓜洲
口江面實屬寬濶難行若將通瓜洲城內外河道
酌量展寬挑深並將兩岸緯道修整橋座城圈一
體起高則冬春江潮灌注往來船隻由此一路渡

江較為近捷可期穩速

臣

等於因公渡江之便親

加履勘亦屬應辦之工約畧估計需費不過一萬
數千餘兩合計三處挑河所需費除動用前項入
官銀五萬七千餘兩外其不敷銀兩臣等在於江
寧蘇州藩庫並兩淮運庫內酌籌閒款湊撥即可
濟用毋庸動支正項錢糧如此則金壇之漕糧剝
運既易自鎮江以至江寧直屬一水可通由金山
而入運河渡江僅只三里繞越長江之險兼避江

面之寬商民往來均稱利便永戴

皇仁實無紀極如蒙

俞允容

臣

等一面飭再分晰確估造冊咨部查核一面

遴委委員定於今冬分投築壩興挑工竣驗明來

春即可開放通流以利舟行所有

臣

等酌籌開挑

金壇漕河并江以南之錢家港江以北之瓜洲城
等處河道情形謹會摺具

奏并將大江南北擬開河道繪圖貼說恭呈

御覽奏入報

聞

乾隆四十七年十月二十七日直隸總督袁守侗

河東河道總督何裕城山東巡撫明興奏言竊

臣

等欽奉

諭旨會勘伊家河工程

臣

袁守侗自原籍長山縣赴省

即同

臣

明興於初八日起程嗣至兗州復會同

臣

何裕城先後行抵伊家河悉心履勘查該河在運

河八閘之西二里許自微山湖口河頭起至江南之梁旺城入運河尾止計有六十餘里共長一萬二千四百餘丈係於乾隆二十二年間開挑成河宣洩微山水勢現在河之頭尾水勢俱屬寬深惟中段有侯孟龍王二泉自西而東橫穿入河每年大汛發水該處停積沙泥日久愈多雖屢經疏濬終未能大加挑辦以致淺滯之處過水無多若潮水再落必致斷流該河為分洩湖水要路且距

八閘一帶甚近形勢相同必得挑展寬深方資分
路疏消之益茲_臣等將該河通身測探計自河頭
起長四千一百餘丈一段計河尾長一千一百餘
丈一段其水勢均深八九尺以至丈餘至中間一
段長七千二百餘丈內過水只有二三四五尺不
等總因該處地當山脚多有砂礪並察視中段之
善庄橋以北原有月河及迤上四百數十丈係在
張山平山之間其下盡屬大石_臣等詢問土人俱

稱二十二年開挖時因正河內山石甚大復於此處另開月河及至挑深數尺其上下仍係石底用匠開鑿極費人力今查該處石底過水均有六尺許其中間鑿有溝形寬及一二丈連石面水深八尺以外自係從前因鑿深數尺後未能再施工作是以只於石上抽溝以流水勢茲臣等再四籌度如欲將石底再行鑿深不但須費甚鉅且恐稽延時日於宣洩要務未免緩不濟急因查月河以下

即係中段淤淺最長之處其水底比月河迤上石
底已高及數尺似應將此段內七千餘丈普加挑挖
統以水深八尺為率與石溝之底一律相平而與
首尾兩段內水勢亦可倍加通順至其河身過窄
處所均須逐一展寬并將碍水之各橋座分別拆
改務必通身暢利則湖水從此分消可建瓴直下
歸入江境運河於東省籌洩水勢之道實有裨益
惟查該工段落甚屬綿長且轉瞬即及深冬寒凍

之時而於河身內開挑必先將兩頭築壩岸水涸
出河底始能挿鉞興工似應於估定後即行

奏請辦理期早一日工竣即可早消一日之水現在

臣等將該工內水勢之深淺河身之寬窄以及砂

礮水旱各方分別勘量細加估計併恐將來挑深
數尺之下仍有山石隔碍尤當逐節簽試確切講
求統俟詳細勘估并合定銀數後另行繕摺會同
具

奏所有_臣等到工履勘伊家河大概情形及公同商

辦緣由謹繪圖貼說恭呈

御覽奏入

上諭曰好即應速行辦理

乾隆四十七年十一月初四日直隸總督袁守侗

河東河道總督何裕城山東巡撫明興奏言竊_臣等

先後前抵伊家河工次業將該河大概情形及商

辦緣由會摺奏

聞在案連日以來臣等復自上而下通行勘量並遂段
悉心體察查伊家河共長一萬二千四百餘丈其
河頭一帶因近接微山湖口湖流湧注水深一丈
有餘自此而至善庄橋以上計長四千一百餘丈
水深八九尺不等甚屬寬深其間歇馬亭地方有
月河一道長一百數十丈并迤北四百餘丈緣在
兩山之中均係石底鑿有溝槽水勢至此為底石
所激愈加湍溜亦深至八尺以外此河頭一段無

庸辦理之情形也至河尾一段計長一千一百餘丈自楊家樓起水深八尺其下以次遞深直至梁旺城入運之處水深一丈一二尺亦頗有建瓴就下之勢無庸估辦惟因該河中段淤墊過高祇有二三尺之水流至河尾雖逐漸積深而其勢甚緩反為下游運河之水頂託是以水平不溜而河頭一段內極為暢溜之水復因中段淺阻其大半竟從兩岸各缺口而出旁流散漫以致河身形同魚

脊不能由首達尾一路通順今查中段自善庄橋
以北工頭起至花山橋迤南楊家樓工尾止共長
七千二百四十五丈其中間因王家河口及萬年
橋一帶河底本係砂礪且每遇伏秋水湧發淤
積泥沙甚厚現在過水僅深一尺數寸迤及兩邊
水勢自二尺至五六七尺不等其河面亦甚窄狹
有祇寬三四丈之處并查萬年花山二橋係鄉民
建自近年已在河身淤淺之後是以橋底甚高於

水勢亦大有阻碍茲臣等再四酌商擬將此一段
普行挑挖就過水之淺深定挑工之厚薄總照現
在水勢挑深至八尺為度其兩岸過窄處所亦一
律切寬以展至六丈為率計估挑土工長六千六
百五十四丈內旱方土七萬六千四百八十六方
水方土十二萬九千八十二方零又估挑砂礮工
長五百九十一丈內土方九千五百三十一方砂
礮一萬八千五百六十九方零查砂礮工挑挖較

難必須多用夫力該處與八閘相近情形亦同應照每年運河內挑挖八閘砂礮之例以每砂礮一方用夫五名估計辦理至應挑工段內恐挑至數尺之下亦如歇馬亭月河一帶開出山根大石未免費力因委員逐段簽試現已簽過數十處並無石底但該工段落綿長萬一開深以後或稍有隔碍之處即於臨時設法妥辦再查該河內共石橋八座查河頭之伊家橋及月河以下之鹽石橋其

橋下過水甚深惟橋空太窄應於裏頭之外開挖
月溝一道以暢水勢除撥用該汛額夫辦理無庸
估動錢糧並將木橋四座分別拆留外其萬年橋
下石底過水祇有一尺二寸花山橋下石底過水
五尺二寸且橋空亦俱窄小與現在估挑寬深處
有碍均應另行拆建以通水勢而便行人但該橋
雖建自民間今因挑河拆改工程緊迫若責令百
姓重修未免拮据應即於此案內一併估辦又查

該河內東西兩岸有缺口五十八處應於挑工完竣後分別估用柴工逐加堵築以免水勢旁洩不致流緩受淤至其中有在挑工以內之進水各口尤應先為堵閉並將工頭築壩攔截以便岸乾底水插欽興挑以上挑河築壩及拆建橋梁各工共估需銀二萬九千四百十七兩零應即動撥司庫銀兩發辦其所需挑河器具照例置備統於事竣後核銷_臣等因勘估伊家河之便每日就近查看

微山湖水勢現深二丈一尺九寸較定誌尚餘一
半必得多路速消方為有裨且此時已近仲冬所
有現估之伊家河挑工似應及早辦理於歲暮趕
竣放水冀其多為減洩是以公同商酌請

旨即行趕辦俟大學士公阿桂自浙回東時再行逐加
覆勘並可驗收所挑分數

臣

等計議已定因即照

所估工程逐一分定段落遴委河廳二員州縣十
員承辦府廳四員承催并選擇熟諳工作之地方

佐貳及河工汛閘員弁協同辦理其督工之員專
委運河道沈啟震住宿工所上緊儼挑自開挑日
起勒限四十日完竣臣何裕城臣明興仍隨時往
來查驗務期如式挑辦依限完工以仰副我

皇上厯念河防廣籌宣洩之至意再臣等查伊家河自
乾隆二十二年間開成以後因未經定有歲加疏
浚之例以致每年金沙噴注淤墊日厚轉須費帑
重挑應請自此次挑竣之後遇每歲冬運河估挑

時於大小挑募夫工價之外量為增給責成該管
道廳將伊家河一併查勘挑浚務令河底與新建
之萬年橋底一律相平庶河身不致復淤即可永
資分洩之益矣奏入報

聞

乾隆四十七年十一月十四日兩江總督兼署河
道總督薩載奏言竊臣前接准

廷寄欽奉

上諭以江南之路馬湖六塘河鹽河俱係宣洩運河去
水之要路尤宜展拓口門使得暢達東注方為妥善
即著傳諭阿桂於浙省回京之便順道會勘其應
趕緊籌辦之處一面奏聞一面辦理欽此并接

欽差大學士公阿桂札會以海州境內之連河歸海較
六塘河為直捷

奏明交_臣勘辦并囑_臣將凡有洩水去路應行辦理
之工即行勘辦俟浙省事竣回程再為會同覆勘

當經

臣

飛委新任淮揚道師彥公淮徐道劉錫嘏

會同加總兵銜河標左營副將李永吉河營叅將

鄭永泰分投上下查勘籌稟一俟

臣

安慶事畢即

親往覆勘辦理并經恭摺由驛覆

奏茲

臣

在皖接據各道將勘明陸續稟覆到

臣

查江

省邳宿一帶運河上承豫省漫溢入運下注之水

東受山東沂蒙諸山之水西受伊家河及蘭家山

由荆山橋出潘家河靳家河彭家河等處皆分洩

微山湖之水匯入運河來源較廣其勢本大魚之
本年八月初旬風狂雨驟上游山水陡發河湖異
漲以一綫運河受各路來水幾致不能容納幸賴
聖主平日指授機宜預飭廣籌分洩之路如東岸則有
駱馬湖尾閘五道引河并劉老澗九孔石閘分洩
入六塘河西岸則有十字河臨運壩及顧家庄兩
路分洩入黃下游楊家莊口門及李家莊新運口
出水俱暢勢若建瓴楊家莊旁并有鹽河閘分洩

下達莞瀆武障等河歸海節節通暢無阻是以八月至今上游邳宿運河內已消水一丈一尺四寸下游中河內已消水九尺二寸劉老澗閘底已消水七尺五寸六塘河已消水七尺六寸現在運中河內僅存水一丈二尺餘寸比之上游東省運河消水實多此即分洩去路疏暢無滯之明驗惟是東省運河七月至九月既止消水二尺以外堤岸不克即時施工民田未能早為涸出耕種則江南

之路馬湖六塘河鹽河皆係宣洩運河去水之路
自應凜遵

聖訓展拓口門使之更為暢達東注查駱馬湖尾閘五
道引河口門原經展寬一百七十餘丈今據道將
等稟尚可展寬二十四丈共寬一百九十五丈各
口過水一丈三四尺及五六尺不等足資宣洩又
十字河之臨運壩口門原寬八丈今再展寬十二
丈共寬二十丈口門過水一丈三尺不等分洩入

黃亦屬暢順此兩處應行展拓口門臣已飛飭道
將督率廳營分投趕辦又劉老澗石閘底現止過
水一尺五寸若運河水勢再消尺許則該閘不能
過水臣現飭道將在于閘旁酌開堤工一處挑挖
引渠匯注閘下引河歸入六塘河其六塘河旁之
凌溝口寬五十二丈水深一丈五六尺此一路宣
洩甚暢毋庸再展其鹽河分洩中河之水由莞瀆
武障等河歸海亦屬要路現在下游莞瀆河口門寬

六十丈武障河口門寬三十二丈水深各有二丈三
四尺宣洩甚暢無須展拓上游從鹽閘金門分洩
亦無可以拆展惟鹽河舊閘自四十五年改挑李
家莊運口時將舊閘改建新河即將舊鉗口草壩
堵閉茲臣行據道將等勘稟測量舊鹽河鉗口壩
外之水高於壩裡積水四尺三寸已於十月二十
三日將舊壩啓拆使新舊鹽河兩路河頭均在過
水匯入鹽河分洩東注亦甚有益以上駱馬湖六

塘河鹽河等處臣稟遵

聖訓展拓口門現在趕辦之情形也至海州境內之連河上接凌溝陸家口下至新壩係分洩六塘河之水由恬風渡歸海該河寬七八十丈長七十餘里緣海潮往來年久淤墊上年曾經臣崑委降調之原任臬司袁鑒前往帶同海州知州林光照查勘因水勢汪洋瀰漫難以估挑茲臣復委淮揚道師彥公會同叅將鄭永泰往勘據稱該河上二十餘

里現有積水下四十餘里係屬稀淤仍難施工應俟月餘後上下河身水涸土乾可以措手方能辦理臣查該河如能挑浚深通不惟駱馬湖入六塘河之水分洩歸海較為直捷即與海州沐陽一帶民田亦多裨益此係水利河道應照業食佃力之例先行借帑辦理者但可施工即當興舉容俟月餘後臣再察看情形確估

奏辦又河東河臣何裕城具

奏擬於徐州北岸潘家屯旁馬家樓一處斜挑引渠

一道以達潘家屯引河宣洩入黃茲臣行據淮徐

道劉錫嘏會同加總兵銜副將李永吉勘稟該處

計長一千七百餘丈只有二百三十丈尚屬露灘

其餘一千五百餘丈現在水深三四尺不等若遇

西北風起則普面漫灘俱在水中難以挑挖必須

遠越估挑但恐不能得力臣查何裕城所奏開挑

馬家樓本屬分支仍須匯入潘家屯引河下注如

渠頭果可挑至湖心取勢亦較直捷分洩未為無益今既不能接至湖心繞越挑挖亦屬無濟且潘家屯等處濱臨黃河非運河東岸駱馬湖等處洩水可比轉瞬黃河歸復故道臨黃各引渠口門均應堵閉是馬家樓一處不特未能興挑即或趕挑完竣亦不及宣洩竟可毋庸糜費又山東之伊家河為分洩微山湖水入江南運河之路據淮徐道劉錫嘏稟稱現今袁守侗會同何裕城遵

旨查勘河頭河尾俱屬深通惟中間一段稍淺現在估
辦查該河河尾係隸江南地方水勢既與河頭一
律深通自可毋庸挑挖以上漣河及馬家樓引渠
并伊家河尾三處或俟水涸施工或開挑無益或
水深毋庸挑浚仍俟

欽差大學士公阿桂自浙回程臣再面商會同勘籌妥
議另行具

奏所有臣凜遵

諭旨督飭道將勘籌運河淺水各路分別籌辦緣由謹

由驛奏

聞并繪圖貼說恭呈

御覽奏入報

聞

乾隆四十七年十二月初九日山東巡撫明興奏

言乾隆四十七年十一月二十八日承准本月二

十六日

迂寄欽奉

上諭據阿桂奏查勘山東伊家河工程摺內稱該河中
段自善莊橋起至楊家樓止共長七千二百四十丈
此時業已開工而人夫不多所挑土方尚無分數可
計等語伊家河關係湖水分洩去路現已動工挑挖
應照袁守侗等原奏估辦分數速行齊集人夫上緊
趕辦務期一律寬深不得稍有遲緩著傳諭明興即
飭令承辦各員多集人夫上緊督催其現在辦出土

方共有若干並令切實查收毋致夫役人等稍有偷減將此由五百里傳諭仍將辦理情形據實覆奏並諭阿桂知之欽此仰見我

皇上厯念河防至周至密切查伊家河挑工共長七千二百四十五丈前臣會同袁守侗何裕城等逐細核估明確分段派員趕辦並委道府等駐工督催及應先行築壩岸水俟底水涸盡後自開挑日起勒限四十日完竣各緣由均恭摺奏蒙

聖鑒查該河近接微山湖口必須築壩堵截湖流再將原有底水全行戽盡方可挿鍬興挑緣該處地勢高下不同故底水乾涸亦遲速不等計自次第開挑以來臣疊經飛檄該道府廳縣等加緊督催儼辦昨復親往查催現在地當上游底水空乾較早及土性尚鬆施工稍易各段計出土方已挑有四分其地居下游底水急難戽盡並土性堅實及兼有砂礪各段計出土方亦已挑有二分至三分有

餘不等通工牽算合計出土數目寔已挑有三分
以上工程目下天氣晴明正可乘時僱辦現復嚴
飭承辦各員多集人夫併力挑挖總可依限完竣
不致遲悞臣仍往來查察務令照依原估寬深丈
尺一律如式妥竣斷不敢任夫役人等稍有偷減
以仰副

聖主慎重要工至意奏入報

聞

乾隆四十七年十二月二十六日兩江總督薩載
河道總督李奉翰江蘇巡撫閔鶚元奏言竊照連
河一道上接凌溝陸家口承受六塘河來源下至
新壩由恬風渡歸海為海州境內水利幹河該河原寬
七八十丈長七十餘里緣海潮往來年久淤墊又
因上游展寬凌溝口下注之水較大海汴地方間
被淹浸上年經臣薩載委員前往查勘因水勢瀾
漫難以估挑原擬俟今冬水落勘估前

欽差大學士公阿桂札知

奏明囑令妥為籌辦奉到

硃批是欽此時

臣

薩載在安慶查辦事件復經肅奏道

將往勘據稱該河上二十餘里現有積水下四十

餘里水勢甫落尚係稀淤俟月餘後上下河身水

涸土乾可以措手即行估辦并經

臣

薩載於籌洩

湖河水勢分別展拓情形摺內繪圖聲明覆

奏仰蒙

聖鑒嗣大學士公阿桂自浙回程過浦又經商定如水
勢未能全涸即於河旁抽挑引渠因勢利導以資
宣洩茲_臣等復督道將帶同海州知州林光照詳
加勘估內自陸家口連河頭起至下罾口止工長
一千三百丈現在水深一二尺應估築攔水壩一
道暫且約攔水勢自下罾口至何家莊止工長六
千丈仍係稀淤應于西岸灘邊估挑引渠口寬十
丈底寬四丈深八尺先行趕挑俟此六千丈挑竣

再將上段壩工起除騰放積水接續僱挑其下段
自何家莊起至蒲灣莊止舊有溝槽毋庸估挑惟
俟開壩之日相機撈淤引水歸槽宣洩入海以上
分別淤土乾土築壩挑挖約估需銀六萬八千餘
兩_臣等現在一面督令道將再加確估核實詳報
一面派委海州知州林光照沭陽縣知縣劉若雨
贛榆縣知縣李際壽分段承挑并委淮徐道劉錫
嘏河營叅將鄭永泰往來督催趕辦務於明春二

月以前一律告竣不獨駱馬湖下注六塘河之水
由此直瀉歸海可期暢達即海州沐陽一帶民田
積水亦得藉以分消永資利賴至該河係水利工
程原應照業食佃力之例歸民辦理但海沐地方
連年被水成災現蒙

聖恩賑恤民力實屬不繼

臣

等查有王亶望在揚家人

卞樹卞松等入官家產并將蔣全迪在揚行鹽貲本
共銀十六萬三千餘兩經

臣

伊齡阿追變齊全

奏明遵

旨解交江寧藩庫收存以備工程等項之用今海州境內挑浚漣河攸關地方水利要工合無仰懇

皇上天恩俯准在於此項銀兩先行借動辦理臣等仍飭司籌議在於海州沐陽二州縣民田內按畝攤徵分作六年還款如此則濱海民生感沐

皇恩於無既矣再明春豫工告成後江南臨黃之潘家屯各引河均須堵閉上游來水仍須歸於江南運

河前經大學士公阿桂商及劉老澗以上二百餘里中以一線運河承受上游來水恐驟難消涸擬俟連河挑竣駱馬湖尾閘洩水必暢彼時湖面騰空自可容納應將沿湖之馬莊閘萬莊閘竹簍閘乾車頭王家溝柳園頭等閘壩提放之外再在湖邊多開口門數處俾資暢洩則上游東省水勢更易減落

臣

等現在籌酌臨時相機辦理奏入報

聞

乾隆四十七年十二月三十日山東巡撫明興奏
言為恭報伊家河完工日期並放水情形事竊照
伊家河工程已挑分數節次經

臣

奏報自本月初以來臣往來工次率同運河道沈啓
震等上緊督催誠恐承辦各員因挑深之後砂礮
較多或致稍有稽滯查該工有關宣洩機宜必得
早一日完工庶可多消一日之水臣因復親駐工
所責令各該員加倍添夫晝夜僨辦幸賴

聖主洪福連日天氣晴和人夫力作倍極踴躍已於十

二月二十三日將通工挑挖完竣

臣

隨照原估寬

深丈尺自工頭至工尾七千二百餘丈之內逐段
量驗俱屬相符並無草率偷減并查勘應行拆改
之萬年花山二橋底俱已照估落低與挑成之河
底一律平順其鹽石等橋應於橋旁開溝展寬之
處亦已趕辦如式隨令將挑工內各段壩埂自下
而上盡行拆除其河身繞灣處所亦即將灘嘴挑

切順勢一面察視工頭壩外湖水積高勢頗湍湧
臣隨於二十五日督同道府等迅將頭尾兩壩全
行啓放水勢奔騰下注頃刻間已由工尾直達江
境運河其情形實為通暢查徽山湖水自前月下
旬至今陸續又消水一尺現深二丈零四寸比七
月間盛漲時已共消水五尺二寸今伊家河挑成
放水之後去路已廣從此日就減消實於宣洩之
道大有裨益至在工人夫本係就嶧滕附近一帶

被水之區催覓應用數十日以來於每日


恩賑之外復得領支工價今挑工完竣正當歲暮之時
該人夫等既幸飽煖有資並冀漲水漸消沿湖地
畝即可涸出耕種無不歡忻鼓舞感頌

皇仁謹由驛馳

奏仰慰

聖懷奏入報

聞



欽定南巡盛典卷四十八

欽定四庫全書

史部

欽定南巡盛典卷四十九

詳校官編修臣繆晉

欽定四庫全書

欽定南巡盛典卷四十九目錄

河防

十五

欽定四庫全書

欽定南巡盛典卷四十九

河防

乾隆四十八年三月十一日兩江總督魚署河道
總督薩載奏言竊照江南黃河北岸通連微山湖
及運中河一帶上年經臣與河臣李奉翰遵

旨酌籌先後將潘家屯張家莊蘇家山之水線河并十
字河顧家莊河北鎮等處開放分洩入黃均屬暢

達今豫省南岸引河告成

欽差大學士公阿桂會同河撫諸臣商酌擬于清明以前開放導引黃流順軌下注河臣李奉翰與臣督飭南河各廳營將北岸各水口興工堵築業經臣於督辦各廳奏修工程摺內聲明奏

聞嗣據各廳營陸續稟報潘家屯張家莊以及蘇家山之水線河十字河之臨運黃各壩均經堵閉堅寔惟中河顧家莊一處口門較寬相距臨黃之河北

鎮口門亦近洩水本暢口門收窄溜勢愈覺湍急
堵閉稍難經臣嵩委淮揚道師彥公淮徐道劉錫
燾河營叅將鄭永泰駐彼督率中河桃源廳營各
於金門下埽分投僨堵茲於二月二十九日將臨
運臨黃兩處壩工俱已一律堵合斷流現各追壓
以期到底並接手趕辦內澆土餞外廂防風可期
堅實穩固此外黃河兩岸春修埽工亦俱鑲做完
整足資抵禦豫省如期放水下注自可循軌暢達

歸海至目前微山湖洩下之水統歸運中河不無
稍長上年經

欽差大學士公阿桂會同臣勘籌預將運河北岸增挑
引渠三處并因劉老澗閘底較高復於閘旁開挑
引渠一道匯入閘下引河均歸駱馬湖六塘河分
洩去路甚暢是以中河內自顧家莊堵閉後僅長
水二尺餘寸不致盛漲其海州境內漣河展挑寬
深各工現據具報已有九分工程日內即可完竣

下游添一分洩之路歸海又必迅速若上游豫省黃水歸復故道則微湖運河之水更必日漸消落臣現在確探一俟黃河水頭下注再行星馳奏

聞仰慰

聖懷奏入

上諭曰覽阿桂已奏黃河歸故道何尚未至江南境乎

乾隆四十八年四月十二日大學士公阿桂河東河道總督何裕城山東巡撫明興奏言竊照豫工

合龍後東省各處坡水從上而下以次就消湖水亦漸見消動其運河堤岸臣明興率同前任藩司陸燿運河道沈啟震等逐一查量隨時登記各緣由業經恭摺奏蒙

聖鑒臣阿桂臣何裕城先後自豫起程由山東之荷澤鉅野嘉祥取道至濟沿途察看各該縣境內漫水已經全涸其濟寧西北一帶臣阿桂上年冬間所見被水之區現涸出四五十里田畝耕種者頗多

至江南之蘭家山壩前據河臣李奉翰札知及河
員等稟報自三月十六日見消起至二十八日共
消水一尺八寸臣阿桂復派軍機章京舒濂直至
荆山橋查看水勢據該員稟稱該橋一百九十餘
孔現仍孔孔過水其中泓水勢八九尺至一丈不
等流行甚駛運河內落水八九寸至一尺餘寸不
等而微湖水誌自上月初一日豫省放河後迄今
止消水三寸仍深一丈八尺一寸者臣等悉心體

察緣各湖地勢本屬最窪微湖又為各湖之歸宿
水勢從西北向東南收束是以湖面日覺收窄而
湖口誌椿仍未見速消目下各路坡水日漸減涸
荆山橋仍前暢達且駱馬湖自上月十九日開放
運河後水勢亦應消動則江境運河之水又可由
臨湖王柳各閘分洩是上游來源既截下路復多
路分消微湖水勢自不難於早符定誌至運河堤
岸自乾隆四十六年豫省曲家樓漫水下注濟寧

以南湖河相連汪洋一片其下則直注八閘其上則倒漾至趙村石佛閘一帶東西兩岸土石堤工淹漫者幾及二百餘里其正閘單閘橋壩各工亦俱漫於水底屢奉

諭旨廣籌宣洩水勢得以陸續消退臣阿桂臣何裕城抵濟後復會同臣明興乘船上下察看自濟寧在城閘下起至江境黃林莊止統計兩岸土石堤工共長五萬三千二十餘丈現已出水者二萬八千

九百七十餘丈未出水者二萬四千四十一丈民
捻共長五萬五千八百五十餘丈現已出水者五
萬十丈零未出水者五千八百四十丈零正閘二
十三座已出水者二十二座惟六里石閘一座舊
制本低現與單閘橋壩涵洞等工俱漫水中今就
現在情形約加估計除地形最高未經漫水及雖
經漫水不致殘損之堤捻均毋庸估計責令額夫
平墊外其堤根水淺汕刷無多之各段均照舊式

估加修補至逼臨湖坡水深之處堤身收分丈尺
亦照舊制估計惟堤頂高處若按段估辦未免低
昂不一查出水之堤有現高至四尺者即照此勘
估總以高出此時水面四尺為度以期一律整齊
平坦計興工時堤根已涸乾者純用土方堅築如
堤根尚存積水土工難以站立者照老堤舊制添
估碎石坦坡其缺口水勢較深者則用排樁廂埽
俾土工可期堅實又魚臺汛東堤向來僅高五六

尺許應加高土頂二尺以脩緯道其西岸排椿工
及韓莊一帶大石工仍照舊估辦不必增高以節
帑項再運河正閘底石板已損之處方可拆修其
餘或補修數層或止加鈎抵惟現漫水中之單閘
橋壩涵洞等工殘損既多均應拆估重修舊閘之
下跌有深塘者酌為移建築堤之後往常壩內坡
水難以立消者則於最窪處酌添單閘以洩之又
各閘及滾水壩等工俱應於水中簰椿鋪底必須

先築圈壩以便動工其韓莊大石工數千丈西面
逼臨大湖亦宜照舊制於該工之外先築圈壩將
根盤堅築至兩岸民埝前奉

恩旨概歸官辦埝身寬窄不一茲照官堤稍窄之工酌
估而頂高之處則與官堤相平庶上下堤埝相連
倍加平整以上各工除將堤身舊土及尚可應用
之舊石通盤核抵外計兩岍土堤及加築碎石坦
坡工共需銀十萬七百三兩零民埝土掃及排椿

等工共需銀三萬六千三十四兩零排椿碎石堤
工並填築土心及上加頂土共需銀二十八萬八
千八十九兩零大石壩工共需銀十萬六百六十
八兩零修做閘座橋壩涵洞裹頭並築圈堤等工
需銀十二萬四千二百七十四兩零通共估需銀
六十四萬九千七百七十兩零此係就現在水勢
約略估計但水底探量究恐不能甚準仍俟秋令
動工時逐一再查如尚有可減之工即歸節省核

實請銷如實有關宣洩必須量為增改之處臣何裕城等另行具

奏或因取土遙遠以及風雨守候臣明與酌量辦理毋庸復請開銷致滋糜費之漸再查官堤舊制道路已屬綿長今民埝統歸於官辦則段落更為遙遠臣等於酌估之便復公同商酌所有自濟寧在城閘下起至新店閘上止一段長三十里自珠梅閘下白家水口起至彭口閘下止一段長五十里

並將望湖亭至黃林莊一段長八十餘里均係地
形稍高現可取土自當派員即行修辦則秋令以
前可先得工程十分之三其餘水深各工仍照前
奏於大汛時將採買已到之木石料物分運工次
並多派人員認明段落一俟秋令水退普律興工
分投趕辦斷可不致遲悞其運河正閘應送漕艘
而滾水壩等工亦資宣洩未能同時並舉查本年
糧艘抵東各幫較之上年已早半月況河湖水勢

日減更可銜尾遄行而江西省蠲免漕糧重船又
經減少約至九月以內回空定可全出東境維時
將屆冬令水勢全涸閘壩各工次第備辦計於四
十九年春令以前一律完竣概復舊制奏入

上諭曰如所議行用項足否

乾隆四十八年四月二十三日兩江總督薩載河
道總督李奉翰奏言竊照江南黃河地處下游兩
年來凡河身淤淺之處及露出灘嘴節經督臣薩

載隨時勘估屢次挑切以期寬深順勢今黃水復
歸故道必須上下相度溜勢之趨向預為防範臣
自豫省蘭陽新河一帶查勘回南督同總兵銜左
營副將李永吉上由虞單交界至清口一帶沿河
探量黃河水面寬九十餘丈至一百三四十丈不
等一律深通流行迅疾毫無阻滯大溜仍循舊軌
東注惟豐碭北岸石林地方從前溜走中泓二十
年來舊工淤閉今黃流下達溜勢稍向北趨現在

尚存灘面三十餘丈恐將來或致生工臣已飭令該管廳員運貯料物以為有脩無患之計其餘形勢如常並無改易至外河順黃壩南岸一帶乾隆四十六年六月內大學士公阿桂覆奏河工圖內於

御椿亭之西仰蒙

皇上硃筆點記飭令詳加籌畫當經臣與督臣薩載會同履勘

奏請在於該處築做磨盤大壩以資挑護奉到

硃批此非目前急務矣俟新工合龍後妥為可耳欽此
今黃水下注溜勢仍由西南坐灣臣到彼察看現
在塌崖自應在於該處用柴土廂做磨盤壩工使
河勢不至卧進有碍木龍既可保護南岸灘崖又
可挑溜東趨實屬兩有裨益現已督飭道廳確切
估計造冊具詳核實興工奏入報

聞

乾隆四十八年五月初九日河道總督蘭第錫山東巡撫明興奏言竊查東省濟寧以南運泲兩廳屬堤岸工程先經臣等會同大學士公阿桂確切勘估需銀六十四萬九千餘兩奏蒙

俞允並荷

聖慈垂念大工用項

特賞撥部庫銀五十萬兩到東俾資應用臣明興因興工在即飭令藩司孫士毅於餘剩

恩賞商捐項下先撥銀二十萬兩發交運河道庫先行
支給其運道兩岸工段臣等惟有率同辦工司道
等慎重撙節上緊籌辦以期得尺則尺漸復舊制
茲查月餘以來各湖水勢已共消落一尺有餘兩
岸堤形露出更多所有原估土石工程除各閘座
橋壩等項現在尚漫水中應俟水勢減落再行確
核情形分別修舉外其東西兩岸堤埝內有出水
漸高之處如運河廳境內自濟寧在城閘下至新

店閘一段及洳河廳境內自珠梅閘下至彭口閘
上一段又嶧汎八閘內一段均可遵照前奏先行
趕辦其餘各段落雖應俟秋令開工而通計須用
木石料物為數甚多上年採辦之椿木大石計數
尚屬不敷至碎石一項亟須開採必須乘此數月
內一一辦齊陸續運貯各工以便臨時取用不致
稍有停待臣等就工程之難易定銀數之多寡遴
派地方河工各員酌定段落分投承修共計將兩

岸堤工分為四十九段內屬運河廳境者計二十
九段委令運河道沈啟震在濟寧一帶督催其屬
泇河廳境者計二十段即派前任布政使陸燿駐
夏鎮一帶督催其隨同分催之員復委在工効力
之李封陳淮並東昌府知府興安兗州府知府王
祿朋及丞倅等官分路查催以期迅速臣等俟部
撥銀兩解到時飭令孫士毅再行按時續撥由運
河道轉發承修各員陸續領辦所有現在應行先

辦之三段即令分得該工之員飛即集夫興築已
於四月二十八日開工臣明興現赴濟寧一帶上
下督催趕辦秋令以前先行辦畢迨一交八月以
後水勢更落各工物料亦已脩辦齊全即可次第
興修一律妥完不致遲悞臣等仍不時往來查察
務期併力同心要工畢舉以仰副我

皇上慎重河防漕運之至意統計此次工程按照漕規
已屬敷用或尚有例外支給臣明興即當通融籌

辦以資接濟奏入報

聞

乾隆四十八年五月十三日兩江總督薩載奏言

竊臣於徐州交卸河篆後即遵

旨前赴沛縣勘籌移建城工均經恭摺奏蒙

聖鑒嗣臣帶同各道府自徐至淮將淮北各處

行宮詳細確勘凜遵

聖訓祇將舊有房間粉飾裱糊見新其新添之黃巖

行宮移建之楊家庄

行宮亦各撙節估辦不敢稍事增華至金山對岸之師古灘至棲霞一帶前經臣

奏請開挑河道以通舟楫以避長江之險仰蒙

聖恩俞允撥發帑金當即確估派委十三州縣分段承挑臣今春

陛辭回南暫駐清江督辦河務所有師古灘河道責成江寧總局司道就近督催趕辦嗣據稟報河已挑

成其河頭河尾以及兩岸尚須建設閘座酌開涵洞以資蓄洩稟請勘籌到臣查該河既已開通即為商賈往來要道自應籌計萬全庶可一勞永逸應添閘洞亦須熟諳人員確估此時河工事簡加總兵銜之副將李永吉素稱諳練現在無事臣即帶同該員渡江與司道等由師古灘以至棲霞挨工查驗該河員已照估挑挖其中尚有應行收拾之處而原估口底逢灣處尚覺稍窄兩岸緯堤亦

覺卑矮該河南岸一帶多山遇雨則山水下注盡
歸新河北岸則多汊港通江潮汐往來夾沙而行
均不免於停積自應於兩岸多設涵洞河頭河尾
亦應建設閘座相機啟閉則山水江潮出入節宣
有制可無壅遏停沙之患惟是此河現已挑通壩
基尚未起除臣體察輿情商民亟思通行舟楫臣
隨將兩岸應行收拾之處指示各工員上緊收拾
並將建設閘座涵洞處所勘定交李永吉等詳細

確估一面即令各工員將壩基先行起除淨盡使
江潮灌注水勢通流聽民舟楫往來試驗仍於水
平之後潮小之時測其何處寬深何處淺窄逐一
插立標記俟本年霜降後水落潮平時再行築壩
展挑寬深並將兩岸緯道加培高厚其應建閘座
涵洞現在委員購料次第分投趕辦務於霜降後
一律完工則來年春水長發開放通行商民更可
永資利賴臣驗籌事畢即由棲霞勘工回省其李

永告於各閘洞估計核定已令仍回河工辦事奏
入報

聞

乾隆四十八年六月初六日河東河道總督蘭第
錫山東巡撫明興奏言東省濟寧以南運河工程
仰蒙

皇上特發帑金乘時修復因兩岸工段綿長計程三百
數十里分段派委需員甚多現在臣等將水勢消

落易辦工段先行興修已於四月二十八日動工
業經奏蒙

聖鑒其餘各段先令領銀辦料以脩臨時應用所有丞
倅州縣佐雜及廳汛等官已派有一百餘員一至
秋令水落工程齊舉加以協辦分催在在需員未
免不敷派委現有來東投効之候補候選等官情
願各認工段捐資承辦又有革職降調等員亦情
願一面自行出貲分段承修一面照例呈請捐復

原官紛紛具呈到臣臣等伏思運道工段較長必
須多員承辦此項投効人員果能奮勉出力則工
程既得尅期早竣而正佐等官便可減派數員更
於地方有裨可否准其在工効力之處出自

皇上天恩如蒙

俞允臣等即於兩岸堤工內添出數段令其自行出貲
承辦無庸動支

帑項除查明各該員履歷分別開列職名另行具

奏外所有呈請投工効力人員應否准行臣等謹先
會同請

旨奏入

諭部速議

乾隆四十八年七月初九日河道總督蘭第錫山
東巡撫明興奏言竊照東省濟寧以南運河兩岸
緯道工段綿長計程三百數十里分段派委需員
甚多現在丞倅州縣佐雜及廳汛等官已派有一

百餘員一至秋令水落工程齊舉加以協辦分催
在在需員未免不敷派委現有來東投効之候補
候選等官情愿各認工段捐資承辦可否准其在
工効力之處經臣等恭摺具

奏經部議覆准其留在東省捐貲承辦查明人數止
湏足數差委毋任濫收併將人數履歷報部存案
奉

硃批依議速行欽此行知到臣臣等查投工効力人員

現在來東具呈者自丞倅而下至佐雜等共三十
六員內有本應即用者有議叙分發者有止應雙
月選用者資格既有不同工程之難易亦屬不一
若不量加限制聽其自行估認不特散漫難稽亦
易啟趨避之弊臣等公同斟酌量其班次之遲速
以定出資之多寡按照原估工程派出次難者三
段責成該員等分段承修仍派委熟諳工程之員
協同辦理務須材料堅實工程穩固不得草率從

事希圖將就完工令原派之督辦分催各員輪流稽查毋許稍有偷減懈怠臣等仍不時查考稽其分數勤惰以定將來之優劣如有辦工不如式者立即掣去除將人數履歷造冊報部存案外臣等謹開列各該員簡明清單恭呈

御覽奏入

上諭部知之

乾隆四十八年七月十一日江南河道總督李奉

翰奏言竊照江南黃河地處下游河形窄狹今歲黃流歸復故道恐大汎水長時溜勢或有改移必須留心防範先事綢繆臣於四月內自豫回江沿途察勘河溜趨向情形見豐碭北岸石林地方河勢生灣溜往北趨止存灘寬三十餘丈即慮生工當經飭令該管廳員運貯料物以為有脩無患之計並經恭摺奏

聞茲查前月以來黃水漸次加長該處大溜趨逼刷灘

迅速情形喫緊臣隨督令道將廳營一面備築壩
臺加帮裡戩一面趕緊開槽預辦下埽旋即溜勢
刷至堤根半月內已接續做成新埽七十餘丈趕
緊追壓到底一律廂做堅實現在埽外水深二丈
五六尺至三四丈不等臣上下相度大勢已定專
委總兵銜副將李永吉在工督辦所做新埽隨時
保護足資抵禦可免他虞又邳睢廳屬黃河南岸
瓦房工從前大溜開行上中下三段舊埽工長二

百餘丈已淤閉多年前歲溜向南趨下段先已生
工今黃水加長溜復上堤臣與道將等勘籌商酌
若上段中段同時廂做不但緩不濟急並用料較
多徒滋糜費隨于上段督令趕做挑水大壩一道
挑開溜勢中段即經平穩可以毋庸搶辦動用料
物錢糧現今淮徐道核實造冊請銷不使稍有浮
冒再外河老壩口至紅幅莊一帶堤長四百七十
餘丈外係埽工內係深塘情形既屬單薄而溜勢

又係頂冲不得不早為籌計若將後塘一律填平
需費浩繁臣再四思維惟有將堤工加帮寬厚以
資捍衛就堤工臨溜之緩急定帮寬之丈尺共需
土方銀一萬一千餘兩如此斟酌辦理庶錢糧不
至多糜而堤工實資鞏固奏入

上諭曰覽奏欣慰

乾隆四十八年七月二十一日山東巡撫明興奏
言竊照濟寧以南運河兩岸工程最關緊要屢奉

諭旨嚴催重運船隻迅速抵通並令回空各幫速出東境以便運河工程及早興修查運河自六月以來湖水日漸消減臣查看情形彭口閘至十字河向係涸淺處所南陽棗林新店以及石佛趙村等閘兩年來因湖水浸漫未經大挑兩岸堤工坍塌入河未免淤淺恐江廣各幫船重難行臣督飭地方河員齊集人夫設法疏濬一面多撥剥船隨時起剥漕臣疏竒押送尾幫來東又復親身督押上下

往來照料備行并押令旗丁多加緯夫日夜趕挽
各幫船隻俱依限行走並無遲滯六月二十四五
及七月初一等日各屬又普得透雨閘河水勢連
日增長足資浮送茲江西各幫已於本月初四日
全行過濟較之上年實早五十五日漕臣毓奇即
督押尾幫沿途催備北上諒可遄行無滯現據具
報豫東回空漕船已次第入境已飭沿河各委員
迅速嚴催俾回空各幫接續南下早出東境一俟

秋汎過後水勢消落所有兩岸各工即可普律興
修現在所辦各段臣往來工次逐段查看運河廳
所屬在城閘以下第一第二分已修完一千六百
二十餘丈洳河廳所屬珠梅閘以下第一第二分
又嶧汎閘內第二十分已修完三千九百三十餘
丈臣親加查驗俱屬合式完整稍有夯築不如法
者臣即面加指示務令一律堅實鞏固至兩岸土
石堤工自四月以來續行涸露者又有二萬三千

餘丈其間段漫水之處通計尚有六千二百餘丈
所有涸出之處可以施工者臣已飭令原派各員
酌量地勢卽行趕修總期得尺則尺現在微山湖
水量深一丈五尺南陽湖水現深六尺四寸昭陽
湖水現深七尺五寸獨山湖水現深七尺一寸將
來汎水過後下流暢消間段漫水之處自可全行
涸出一律動工尅期完竣所有應用土石物料現
在陸續督催運貯各工以脩臨時應用以期無悞

奏入報

聞

乾隆四十八年八月初二日两江總督薩載河道
總督李奉翰奏言竊查黃運湖河伏汎安瀾情形
業經臣等恭摺奏

聞嗣據河南陝州呈報萬錦灘黃河內七月初四初七
初九等日三次共長水一丈二尺又據黃沁同知
呈報沁河內初八日長水六尺三寸滙歸下注南

河交秋以後黃水有長無消徐城誌椿現長至一丈三尺七寸查南岸之毛城舖峯山四閘先經次第啟放其北岸之蘇家山滾壩普面過水一尺及一尺五六寸不等四路分洩而水勢未消上下各廳工程在在報險如桃源廳屬之七里溝宿虹廳屬之化村舖夏家馬路朱家閘邳睢廳屬之七壩魏工或溜勢下移異常湍激或埽工塌卸傷及堤坡急需搶辦臣李奉翰即由桃源宿虹以至邳睢

換工查勘督飭叅遊廳營分頭搶護淮徐道劉錫
嘏在豐碭一帶巡防據報亦星飛馳至下游料理
或轉運料物或跑解買土晝夜趕辦各工現俱搶
廂平穩保護無虞臣薩載自東省會勘運河工程
事竣回徐接據銅沛廳營稟報張家馬路溜勢頂
冲舊埽塌卸潰傷堤頂當即委令加總兵銜副將
李永吉并銅山縣知縣田文龍酌帶銀兩星夜前
赴該工會同該廳營實力搶護臣薩載亦即到工

察勘查張家馬路一工最為緊要乾隆四十二年八月內因水長工險曾經前督臣高晉查勘該工內塘寬深越堤綿長當經加幫高厚開挖進黃出清溝槽放淤保護平穩嗣即逐漸淤閉本年因溜勢上堤直射該工刷去外灘將上壩舊埽二十三段計長一百六十二丈全行塌去潰傷堤頂幸內塘淤高尚有後靠但係迎溜頂沖必須樓護惟隨廂隨塌舊料業已用盡無可措手轉運緩不濟急

所幸新料已經登場買運交工接濟無如工段綿
長所費不貲隨與李永吉等面為商酌該工越堤
寬長尚屬可恃第年久恐有隙漏隨即跑簿買土
幫築裡戲一面將上壩掃工趕緊補廂挑護一面
在於下壩挑挖進黃溝掣其溜勢順流下注則上
壩不致着重並將大王廟後撐堤挑開使水勢灌
滿下塘澄淤由四道溝渠出清仍歸正河下注以
水禦水可無冲啣之虞開放水戩後仰賴

聖主洪福

河神默佑溜勢順行業已化險為平至該工

大王廟前後皆水則廟宇自難保全現已敬謹移請
神像在高阜處所安置俟該工淤定再為遷蓋其越
堤仍飾加謹保守不使稍有疎懈奏入報

聞

乾隆四十八年八月二十五日西江總督薩載河
道總督李奉翰奏言竊臣等前奏黃河水勢盛漲

搶護各工及張家馬路酌放水戩平穩情形一摺
奉到

硃批以手加額覽之秋汎即至敬之慎之欽此又摺內
張家馬路放淤將廟後撐堤挑開使水勢灌滿內
塘句上奉

硃批此法甚好欽此又接准乾隆四十八年七月二十
七日

上諭據薩載等奏黃河水勢盛漲搶護各工及張家馬

路相機酌放水戩平穩情形一摺已於摺內批示矣
此次伏汎黃水連前共長至一丈三四尺大溜奔騰
浩瀚實為盛漲上下各廳工程如夏家馬路張家馬
路等處在在險要該督等督率在工員弁人等或趕
緊搶護或酌放水戩仰賴

上蒼嘉佑

河神默助得以化險為平各工保護安穩以手加額欣
慰覽之朕感荷之餘益深虔敬現在秋汎即至新河

下游在在喫緊薩載等尤宜倍加謹慎督飭工員晝
夜防守保護各工俟秋汛奏報安瀾後再降諭旨將
該督並河東江南兩總河及在事出力員弁交部議
叙以示獎勵再閱圖內張家馬路堤後塘內清水深
八九尺至一丈一二尺不等恐傷及堤根亦為可慮
此時如能放淤使水去泥澄壅護堤根固為盡善否
則亦須設法疏消毋令清水積存堤外致貽後患上
屆南巡時閱視河工亦見數處堤後尚有積水彼時

曾諭設法疏消放淤該督等並宜逐一留心查勘一律妥辦或放堤外以為鞏固堤工之計至薩載等另摺所奏李家莊口門外黃水漸次增高恐致漾入淤墊新河已於六月二十八日堵閉等語楊家莊口門出水既暢自無須李家莊新河分溜該督等相時堵閉所辦甚合機宜但何以未經奏及計彼時薩載已赴東省會勘運河工程李奉翰何以亦未具奏直至降旨詢問始行奏覆伊等豈未知朕屢念河防所夕

懸注耶着傳諭該督等此後凡有闕河務事宜俱着隨時具奏以慰厯念將此由四百里諭令知之欽此
臣等跪讀之下感悚交集查李家莊口門前經相機堵閉未能仰體

聖心隨時奏

聞實切惶恐時當秋汛臣等理應督飭工員加謹保護
且頻年河務上厯

宵旰殷勤感荷

天庥今河流復歸故道臣等更當竭力修防以期安瀾永

慶仰慰

宸衷此臣等職分應盡之事乃蒙

皇上先事施恩飭俟秋汎安瀾降

旨將臣等並河東河臣及在事出力員弁交部議敘聞

命自

天感激無地臣等敬將奉到

恩諭傳宣在工文武各員咸知感戴倍加奮勉晝夜在

工敬慎防守不使一刻少懈並經札會河東河臣
蘭第錫一體欽遵督飭防護以副

聖懷張家馬路新放淤工塘內清水較深誠如

聖諭恐致傷及堤根仰蒙

指訓應使水去泥澄或設法疏消毋令清水積存堤外
致貽後患

聖慮周詳至明至當臣等查該工下壩內塘自清水灌
滿以後由五道水溝而出仍歸正河進黃出清迤

行灌注內塘清水原深八九尺至一丈一二尺者
今測量止水深一二尺至四五尺不等計已澄淤
六七尺至丈許進黃口門水勢平緩出清溝五道
水深自四五尺至八九尺不等塘內仍在澄淤今
秋可望淤平大堤內幫裡戩外護埽工均甚穩固
上壩埽外溜勢日漸開行該工可保無虞至此外
舊有數處堤後積水或空塘之處上屆恭逢

聖駕南巡時

親臨閱視指示設法辦理如順黃壩並夏家馬路等處
臣等已凜遵

聖訓用土填平其外河老壩口一工因係從前漫水冲
成深塘寬濶積水過深放淤既不放心若將積水
放於堤外而周圍俱屬民田並無可通引渠且車
水填土不惟需費浩繁附近亦無處取土臣等前
經面加籌畫惟有將堤工加幫寬厚以資捍衛估
需土方銀一萬一千餘兩當於本年六月十三日

繕摺具

奏並繪圖貼說恭呈

御覽七月十一日奉到

硃批覽奏欣慰欽此查該處加帮堤工飭令層土層礮
修築堅實現已僱辦將次工竣足資穩固其餘各
處現在督飭道廳詳加確勘臣等惟有凜遵

聖訓留心勘籌相機妥辦務使堤工一律鞏固以仰副
我

皇上慎重河防之至意再臣等前


奏各工搶護平穩後大河已消水二三尺不等臣等
業於七月二十九日恭摺由驛奏

聞嗣於八月初二日至初八日復又陸續長水二尺五
寸徐城誌椿仍長至一丈三尺七寸與上月相等
各工加謹修守仰賴

聖主洪福天氣晴爽風勢寧靜河流循軌暢行通工俱
屬穩固今水已平定三日時交白露可望漸消臣

現惟嚴督各工員倍加保護以冀秋汎安瀾上慰
聖懷奏入報

聞



欽定南巡盛典卷四十九